



**Broj/Број:02 –50 –1-67-43/'05
Sarajevo/Сарајево, 29.6.2005.**

**ZAPISNIK
43. sjednice Doma naroda
Parlamentarne skupštine Bosne i Hercegovine,
održane 29. juna 2005.**

Sjednica je počela u 11,45 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 15 delegata.

Osim delegata, na sjednici Doma naroda bili su: predstavnici međunarodnih organizacija i predstavnici sredstava javnog informiranja.

Nakon rasprave u kojoj su učestvovali: Goran Milojević, Hasan Čengić, Halid Genjac, Boško Šiljegović i Đoko Pajić, Dom naroda usvojio je sljedeći izmijenjeni i dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 42. sjednice Doma naroda;
3. Izvještaj Zajedničke komisije o nastojanju za postizanje sporazuma o identičnom tekstu Zakona o konkurenciji;
4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o državnoj službi u institucijama Bosne i Hercegovine;
5. Prijedlog zakona o željeznicama Bosne i Hercegovine (prvo čitanje);
6. Prijedlog zakona o Službi za poslove sa strancima (prvo čitanje);
7. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o krivičnom postupku BiH po hitnom postupku, u skladu s članom 100. Poslovnika Doma naroda;
8. Izjašnjavanje Doma naroda o zahtjevu Predstavničkog doma za razmatranje Zakona o izmjeni Zakona o carinskoj tarifi Bosne i Hercegovine, po hitnom postupku, u skladu s članom 100. Poslovnika Doma naroda;
9. Izjašnjavanje Doma naroda o zahtjevu delegata Boška Šiljegovića za razmatranje Okvirnog Zakona o visokom obrazovanju, po hitnom postupku, u skladu s članom 99. Poslovnika Doma naroda;
10. Izjašnjavanje Doma naroda o zahtjevu Predstavničkog doma za razmatranje Zakona o izmjenama i dopunama Zakona o zaštiti prava pripadnika nacionalnih manjina u Bosni i Hercegovini, po hitnom postupku, u skladu s članom 99. Poslovnika Doma naroda;
11. Prijedlog zakona o zaduživanju, dugu i garancijama BiH, (drugo čitanje);

12. Prijedlog zakona o Javnom radiotelevizijskom sistemu Bosne i Hercegovine, (prvo čitanje);
13. Prijedlog zakona o izmjenama i dopunama Zakona o radu u institucijama Bosne i Hercegovine, predlažać: Predstavnički dom (prvo čitanje);
14. Prijedlog rezolucije protiv amnestiranja četničkog pokreta Draže Mihajlovića od zločina počinjenih tokom Drugog svjetskog rata – predlažać: Halid Genjac;
15. Davanje saglasnosti za ratifikaciju Sporazuma između visokog predstavnika za Bosnu i Hercegovinu o uspostavi Ureda registrara Odsjeka I. za ratne zločine i Odsjeka II. za organizirani kriminal, privredni kriminal i korupciju krivičnog i apelacionog odjeljenja Suda Bosne i Hercegovine, kao i Posebnog odjeljenja za ratne zločine te Posebnog odjeljenja za organizirani kriminal, privredni kriminal i korupciju Tužilaštva BiH;
16. Davanje saglasnosti za ratifikaciju Ugovora o zajmu (Regionalni program razvoja puteva) između Bosne i Hercegovine i Evropske banke za obnovu i razvoj);
17. Davanje saglasnosti za ratifikaciju Note Sporazuma između Guvernera Centralne Banke Libije i ministara za međunarodnu saradnju BiH, SFRJ;
18. Davanje saglasnosti za ratifikaciju Protokola između Vijeća ministara BiH i Vlade Republike Turske o međusobnoj zamjeni nekretnina – zemljišta za izgradnju diplomatskih predstavništava u Sarajevu i Ankari;
19. Davanje saglasnosti za ratifikaciju Ugovora između Bosne i Hercegovine i Republike Hrvatske o zajedničkim lokacijama na graničnim prijelazima;
20. Davanje saglasnosti za ratifikaciju Aneksa II. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Doljani-Metković;
21. Davanje saglasnosti za ratifikaciju Aneksa III. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum I- Klek;
22. Davanje saglasnosti za ratifikaciju Aneksa IV. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum II-Zaton Doli;
23. Davanje saglasnosti za ratifikaciju Aneksa V. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Velika Kladuša-Maljevac;
24. Davanje saglasnosti za ratifikaciju Aneksa VI. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Izačić-Ličko Petrovo Selo;
25. Davanje saglasnosti za ratifikaciju Aneksa I. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Bosanska – Srpska Kostajnica – Hrvatska Kostajnica.
26. Inicijativa o proglašavanju 11. jula 2005. danom žalosti u BiH.

Ad-1. Odgovori na delegatska pitanja i delegatska pitanja

Odgovor na delegatsko pitanje dobio je Tomislav Limov.

Delegat Tomislav Limov izjavio je kako nije zadovoljan dobivenim odgovorom.

Delegat Tomislav Limov postavio je sljedeća pitanja Vijeću ministara BiH:

- da li u Sudu BiH i Tužilaštvu BiH ima sudija i tužilaca koji nisu dali svečanu zakletvu (ako postoje navesti njihova imena i razloge zbog čega to nisu učinili), koja je propisana odredbom člana 47. Zakona o Visokom sudskom i tužilačkom vijeću Bosne i Hercegovine («Službeni glasnik BiH», broj 25/04),

- kolika je mjesečna zarada sudija i tužilaca Suda i Tužilaštva BiH, posebno domaćih, a posebno stranih i ko ih plaća,
- da li je u skladu sa Zakonom o krivičnom postupku da sudija za prethodno saslušanje koji potvrdi optužnicu može učestvovati u Vijeću koje odlučuje o prigovoru protiv te iste optužnice i da li je bilo takvih slučajeva i kojih u Sudu BiH – član 228. i 233. Zakona o krivičnom postupku Bosne i Hercegovine («Službeni glasnik BiH», broj 36/03),
- konstituiranje i rad Sekretarijata visokog sudskog vijeća (član 15. i 91. tačka 4. Zakona o Visokom sudskom i tužilačkom vijeću BiH),
- da li Sekretarijat ima pravilnik o unutrašnjoj organizaciji (član 16.),
- koliko Sekretarijat ima stalno zaposlenih osoba, na koji način su one imenovane i kolika je njihova mjesečna zarada,
- da li su direktor i državni službenici u Sekretarijatu imenovani prema odredbama Zakona o državnoj službi u institucijama Bosne i Hercegovine i Pravilnika o unutrašnjoj organizaciji (član 15. tačka 1,2,3, i član 91.tačka 4)?

Delegat Đoko Pajić ponovio je pitanje Vijeću ministara, postavljeno na 40. sjednici Doma naroda, održanoj 25.4.2005.godine:

Zašto nije i kada će biti osnovana komisija za istraživanje zločina počinjenih u Sarajevu u periodu od 1992. do 1995.godine, a prema odluci Parlamentarne skupštine BiH iz januara 2004. godine?

Obrazloženje:

Parlamentarna skupština BiH je na sjednici oba doma donijela u januaru 2004. godine Odluku o osnivanju Komisije za istraživanje zločina počinjenih u Sarajevu u periodu od 1992. do 1995.godine. Za realizaciju ove odluke zaduženo je Vijeće ministara BiH, a koja ni do danas nije osnovana.

U posljednje vrijeme u medijima i javnosti počelo se sa strahovitim manipulacijama s ovim žrtvama i njihovim porodicama, te smatram da je potrebno hitno osnovati navedenu komisiju radi izbjegavanja svih tih manipulacija i utvrđivanja prave istine o tom pitanju.

Delegat Boško Šiljegović postavio je sljedeća pitanja Vijeću ministara BiH:

- Ko u institucijama Bosne i Hercegovine koristi biznis karticu?
- Ko donosi odluku o tome, pod kojim uslovima i u koje svrhe se može koristiti državni novac plaćanjem karticom?
- Dostaviti spisak korisnika biznis kartice i iznos do sada potrošenog državnog novca po izdatim karticama pojedinačno i u koje svrhe.

Ad-2. Usvajanje Zapisnika 42. sjednice Doma naroda

Zapisnik 42. sjednice Doma naroda jednoglasno je usvojen.

Ad-3. Izvještaj Zajedničke komisije o nastojanju za postizanje sporazuma o identičnom tekstu Zakona o konkurenciji

U raspravi je učestvovao Mustafa Pamuk.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o konkurenciji.

Ad-4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o državnoj službi u institucijama Bosne i Hercegovine

U raspravi je učestvovao Halid Genjac.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o državnoj službi u institucijama Bosne i Hercegovine.

Ad-5. Prijedloga zakona o željeznicama Bosne i Hercegovine (prvo čitanje);

U raspravi su učestvovali Hasan Čengić i Haris Bašić, predstavnik predlagača.

Dom naroda jednoglasno je u oba čitanja usvojio Prijedlog zakona o željeznicama Bosne i Hercegovine sa sljedećim amandmanima:

Amandman I.

U članu 5. iza stava (5) dodaje se novi stav (6) koji glasi: "Sjedište Regulatornog odbora je u Doboju".

Amandman II.

Član 8.

Stav 1. paragraf 1. iza riječi "željeznicama" stavlja se tačka, a preostali dio teksta se briše.

Amandman III.

Član 8.

Stav A, paragraf 3. briše se.

Amandman IV.

Stav A, paragraf 4. brisati riječi: «ili na vlastitu inicijativu», ostatak teksta ostaje isti.

Amandman V.

Član 12.

Stav (1) tačka a) u drugoj rečenici briše se riječ "značajna".

Amandman VI.

Član 20.

Stav (1) tačka 2. nakon prve rečenice koja se završava riječima: "željezničku infrastrukturu", ostatak teksta ove tačke briše se.

Amandman VII.

Član 25.

Nakon posljednjeg stava dodaje se novi stav i glasi: "Pregovori iz prethodnog stava moraju se završiti najkasnije 18 mjeseci od dana donošenja ovog zakona".

Amandman VIII.

Član 25a.

se dodaje i glasi:

Izuzetno od člana 12. stav 1. tačka a) u periodu od pet godina od stupanja na snagu ovog zakona, postojeće željezničke kompanije (J.P. Željeznice Federacije BiH i Dioničarsko društvo Željeznice R.S.) mogu imati određena dugovanja po osnovu neplaćenog poreza ili doprinosa, o čemu će precizne odredbe donijeti Regulatorni odbor željeznica BiH.

Amandman IX.

Član 26.

Nakon prvog stava dodaje se drugi stav koji glasi: "Pregovori iz prethodnog stava moraju se završiti najkasnije 18 mjeseci od dana donošenja ovog zakona".

Amandman X.

Član 8., 21. i 22.

U članu 8. C. stav (2), član 21. stav (2) tačke c), d) i e), i članu 22. stavovi (1) i (2) brišu se riječi "generalni" u odgovarajućem padežu.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate članovima Zajedničke komisije za nastojanje postizanja sporazuma o identičnom tekstu Zakona:

Vinko Radovanović

Hasan Čengić

Ante Spajić

Ad-6. Prijedlog zakona o Službi za poslove sa strancima (prvo čitanje)

U raspravi su učestvovali Hasan Čengić i predstavnik predlagača Dragan Mektić.

Dom naroda jednoglasno je u oba čitanja usvojio Prijedlog zakona o Službi za poslove sa strancima sa sljedećim amandmanima:

Amandman I.

U članu 2. stav (2), nakon riječi: "osnovama" stavlja se tačka, a ostatak teksta briše se.

Amandman II.

U članu 3. stav (6), paragraf a) iza riječi "saznanja", dodaju se riječi "iz nadležnosti Službe".

Amandman III.

U članu 5. stav (2) prvi red iza riječi "zamjenik direktora» umjesto veznika "i" stavlja se zarez, a tekst se mijenja i glasi:

"pomoćnik direktora za unutrašnju kontrolu i načelnik Službe".

U istom članu stav (3) briše se.

Amandman IV.

U članu 5. u stavu (2) drugi red iza "službe" tekst se mijenja i glasi:

"te odjeljenja uspostavljena Pravilnikom o unutrašnjoj organizaciji i sistematizaciji Službe."

Amandman V.

U članu 9. iza stava (1) dodaje se novi stav koji glasi:

"Direktor, zamjenik direktora i pomoćnik direktora za unutrašnju kontrolu ne mogu biti iz reda istog naroda."

Stav (2) postaje stav (3).

Amandman VI.

U članu 23. u stavu (1) iza riječi "izvršava" dodati riječ "druge", a umjesto riječi "prenese" staviti riječ "povjeri".

Amandman VII.

Član 24. mijenja se i glasi:

"Član 24.

Pomoćnik direktora za unutrašnju kontrolu

Pomoćnik direktora za unutrašnju kontrolu za svoj rad odgovara direktoru Službe.

Pomoćnik direktora za unutrašnju kontrolu, između ostalog, odgovara za:

planiranje i vršenje redovnih i vanrednih inspekcija u sjedištu Službe, organizacionim jedinicama i podjedinicama,

predlaganje aktivnosti s ciljem otkrivanja i sprečavanja nepravilnosti u radu pripadnika Službe,

predlaganje mjera i radnji koje predstavljaju rezultate provedenih unutrašnjih istraga i ispitivanja tačnosti navoda iz predstavki i žalbi u vezi s postupanjem pripadnika Službe,

sarađuje s drugim organizacionim jedinicama Službe,

obavlja i druge poslove iz nadležnosti Službe koje mu odredi direktor Službe.

Dužnosti i odgovornosti pomoćnika direktora za unutrašnju kontrolu detaljnije se utvrđuju Pravilnikom o unutrašnjoj organizaciji i sistematizaciji Službe."

Dosadašnji član 24. postaje član 25. i svi ostali članovi pomjeraju se za jedan.

Amandman VIII.

U naslovu člana 25. umjesto veznika "i" stavlja se zarez, a dodaje na kraju "i pomoćnika direktora za unutrašnju kontrolu".

Iste promjene vrše se u stavovima (1) i (2) ovog člana.

Iste promjene vrše se i u stavu (1) člana 27., stavu (1) i stavu (2) člana 32., te u članu 34.

Amandman IX.

U naslovu člana 26. umjesto veznika "i" stavlja se zarez, a dodaje na kraju "i pomoćnika direktora za unutrašnju kontrolu".

Iza stava (2) dodaje se stav (3) koji glasi:

"Pored općih uslova utvrđenih Zakonom, kandidat za pomoćnika direktora za unutrašnju kontrolu mora imati visoku stručnu spremu (VSS), završen fakultet društvenog smjera, pet godina radnog iskustva od čega tri godine radnog iskustva provedenog na poslovima vezanim za kretanje i boravak stranaca".

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate članovima Zajedničke komisije za nastojanje postizanja sporazuma o identičnom tekstu Zakona:

Ruža Stojanović

Hasan Čengić

Tomislav Limov

Ad-7. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o krivičnom postupku BiH po hitnom postupku, u skladu s članom 100. Poslovnika Doma naroda

U raspravi niko nije učestvovao.

Dom naroda jednoglasno je usvojio zahtjev Vijeća ministara za razmatranje Prijedloga zakona o izmjenama i dopunama Zakona o krivičnom postupku BiH, po hitnom postupku, u skladu s članom 100. Poslovnika Doma naroda nakon čega je Zakon jednoglasno usvojen.

Ad-8. Izjašnjavanje Doma naroda o zahtjevu Predstavničkog doma za razmatranje Zakona o izmjeni Zakona o carinskoj tarifi Bosne i Hercegovine, po hitnom postupku, u skladu s članom 100. Poslovnika Doma naroda

U raspravi niko nije učestvovao.

Dom naroda jednoglasno je usvojio zahtjev Predstavničkog doma za razmatranje Zakona o izmjeni Zakona o carinskoj tarifi BiH, po hitnom postupku, u skladu s članom 100. Poslovnika Doma naroda nakon čega je Zakon jednoglasno usvojen.

Ad-9. Izjašnjavanje Doma naroda o zahtjevu delegata Boška Šiljegovića za razmatranje Okvirnog Zakona o visokom obrazovanju, po hitnom postupku, u skladu s članom 99. Poslovnika Doma naroda

U raspravi je učestvovao Boško Šiljegović.

Dom naroda nije usvojio zahtjev delegata Boška Šiljegovića za razmatranje Okvirnog zakona o visokom obrazovanju, po hitnom postupku, u skladu s članom 99. Poslovnika Doma naroda. Zakon će biti razmatran u redovnoj proceduri.

Ad-10. Izjašnjavanje Doma naroda o zahtjevu Predstavničkog doma za razmatranje Zakona o izmjenama i dopunama Zakona o zaštiti prava pripadnika nacionalnih manjina u Bosni i Hercegovini, po hitnom postupku, u skladu s članom 99. Poslovnika Doma naroda

U raspravi niko nije učestvovao.

Dom naroda jednoglasno je usvojio zahtjev Predstavničkog doma za razmatranje Zakona o izmjenama i dopunama Zakona o zaštiti prava pripadnika nacionalnih manjina u Bosni i Hercegovini, po hitnom postupku, u skladu s članom 99. Poslovnika Doma naroda.

Ad-11. Prijedlog zakona o zaduživanju, dugu i garancijama BiH, drugo čitanje

U raspravi je učestvovala predstavnica predlagača Ljerka Marić.

Dom naroda je većinom glasova usvojio Prijedlog zakona o zaduživanju, dugu i garancijama BiH u drugom čitanju u identičnom tekstu kao i Predstavnički dom.

Ad-12. Prijedlog zakona o Javnom radiotelevizijskom sistemu Bosne i Hercegovine (prvo čitanje)

U raspravi su učestvovali: predstavnik predlagača Haris Bašić, Hasan Čengić, Tomislav Limov, Velimir Jukić, Branko Zrno, Vinko Radovanović, Anto Spajić i Ilija Filipović.

U raspravi o Prijedlogu zakona o Javnom radiotelevizijskom sistemu Bosne i Hercegovine pokrenuto je pitanje vitalnog nacionalnog interesa u skladu s Poslovníkom Doma naroda. Rasprava o Prijedlogu zakona je prekinuta dok se pitanje ne riješi.

Klubovi delegata konstitutivnih naroda u Domu naroda su imenovali po jednog člana za sudjelovanje u Zajedničkoj komisiji, koja se treba sastati u roku od pet dana i pokušati pronaći rješenje.

Za članove Zajedničke komisije imenovani su: Halid Genjac, Vinko Radovanović i Ilija Filipović.

Ad-13. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Predstavnički dom(prvo čitanje);

U raspravi niko nije učestvovao.

Dom naroda jednoglasno je u oba čitanja usvojio Prijedlog zakona o izmjenama i dopunama Zakona o radu u institucijama Bosne i Hercegovine čiji je predlagač Predstavnički dom.

Ad-14. Prijedlog rezolucije protiv amnestiranja četničkog pokreta Draže Mihajlovića od zločina počinjenih tokom Drugog svjetskog rata – predlagač: Halid Genjac

U raspravi je učestvovao Boško Šiljegović.

Dom naroda nije usvojio Prijedlog rezolucije protiv amnestiranja četničkog pokreta Draže Mihajlovića od zločina počinjenih tokom Drugog svjetskog rata.

Ad-15. Davanje saglasnosti za ratifikaciju Sporazuma između visokog predstavnika za Bosnu i Hercegovinu o uspostavi Ureda registrara Odsjeka I. za ratne zločine i Odsjeka II. za organizirani kriminal, privredni kriminal i korupciju krivičnog i apelacionog odjeljenja Suda Bosne i Hercegovine, kao i Posebnog odjeljenja za ratne zločine te Posebnog odjeljenja za organizovani kriminal, privredni kriminal i korupciju Tužilaštva Bosne i Hercegovine;

U diskusiji je učestvovao Hasan Čengić.

Dom naroda većinom glasova je dao saglasnost za ratifikaciju Sporazuma između Visokog predstavnika za Bosnu i Hercegovinu o uspostavi Ureda registrara Odsjeka I za ratne zločine i Odsjeka II za organizovani kriminal, privredni kriminal i korupciju krivičnog i apelacionog odjeljenja Suda Bosne i Hercegovine, kao i posebnog odjeljenja za ratne zločine te posebnog odjeljenja za organizovani kriminal, privredni kriminal i korupciju Tužilaštva Bosne i Hercegovine;

Ad-16. Davanje saglasnosti za ratifikaciju Ugovora o zajmu (Regionalni program razvoja puteva) između Bosne i Hercegovine i Evropske banke za obnovu i razvoj

U raspravi niko nije učestvovao.

Dom naroda jednoglasno je dao saglasnost za ratifikaciju Ugovora o zajmu (Regionalni program razvoja puteva) između Bosne i Hercegovine i Evropske banke za obnovu i razvoj.

Ad-17. Davanje saglasnosti za ratifikaciju Note sporazuma između guvernera Centralne banke Libije i ministra za međunarodnu saradnju BiH, SFRJ

U raspravi niko nije učestvovao.

Dom naroda jednoglasno je dao saglasnost za ratifikaciju Note sporazuma između guvernera Centralne banke Libije i ministra za međunarodnu saradnju BiH, SFRJ.

Ad-18. Davanje saglasnosti za ratifikaciju Protokola između Vijeća ministara BiH i Vlade Republike Turske o međusobnoj zamjeni nekretnina – zemljišta za izgradnju diplomatskih predstavništava u Sarajevu i Ankari

U raspravi niko nije učestvovao.

Dom naroda jednoglasno je dao saglasnost za ratifikaciju Protokola između Vijeća ministara BiH i Vlade Republike Turske o međusobnoj zamjeni nekretnina – zemljišta za izgradnju diplomatskih predstavništava u Sarajevu i Ankari.

Ad-19. Davanje saglasnosti za ratifikaciju Ugovora između Bosne i Hercegovine i Republike Hrvatske o zajedničkim lokacijama na graničnim prijelazima

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Ugovora između Bosne i Hercegovine i Republike Hrvatske o zajedničkim lokacijama na graničnim prijelazima.

Ad-20. Davanje saglasnosti za ratifikaciju Aneksa II. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Doljani-Metković;

U raspravi niko nije učestvovao.

Dom naroda jednoglasno je dao saglasnost za ratifikaciju Aneksa II. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Doljani-Metković.

Ad-21. Davanje saglasnosti za ratifikaciju Aneksa III. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum I- Klek

U raspravi niko nije učestvovao.

Dom naroda jednoglasno je dao saglasnost za ratifikaciju Aneksa III. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum I- Klek.

Ad-22. Davanje saglasnosti za ratifikaciju Aneksa IV. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum II-Zaton Doli

U raspravi niko nije učestvovao.

Dom naroda jednoglasno je dao saglasnost za ratifikaciju Aneksa IV. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Neum II-Zaton Doli.

Ad-23. Davanje saglasnosti za ratifikaciju Aneksa V. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Velika Kladuša – Maljevac.

U raspravi niko nije učestvovao.

Dom naroda jednoglasno je dao saglasnost za ratifikaciju Aneksa V. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Velika Kladuša-Maljevac.

Ad-24. Davanje saglasnosti za ratifikaciju Aneksa VI. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Izačić-Ličko Petrovo Selo

U raspravi niko nije učestvovao.

Dom naroda jednoglasno je dao saglasnost za ratifikaciju Aneksa VI. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Izačić-Ličko Petrovo Selo.

Ad-25. Davanje saglasnosti za ratifikaciju Aneksa I. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Bosanska – Srpska Kostajnica – Hrvatska Kostajnica.

U raspravi su učestvovali: Mustafa Pamuk, Halid Genjac, Hasan Čengiđ, Boško Šiljegović i Goran Milojević.

Dom naroda je većinom glasova dao saglasnost za ratifikaciju Aneksa I. Ugovora između Bosne i Hercegovine i Republike Hrvatske o zajedničkim lokacijama na graničnim prijelazima o zoni zajedničke lokacije na graničnom prijelazu Bosanska – Srpska Kostajnica – Hrvatska Kostajnica.

Ad-26. Inicijativa o proglašavanju 11. jula 2005. danom žalosti u BiH

U raspravi su učestvovali: Boško Šiljegović, Halid Genjac i Đoko Pajić.

Dom naroda je većinom glasova usvojio sljedeći zaključak:

“Dom naroda Parlamentarne skupštine Bosne i Hercegovine upućuje inicijativu Predsjedništvu Bosne i Hercegovine da 11. juli 2005. godine proglasi danom žalosti u Bosni i Hercegovini”.

Sjednica je završena u 18, 10 sati.

Sastavni dio ovog zapisnika je neautorizirani transkript sjednice.

**SEKRETAR
DOMA NARODA**
Jadranko Tomić

**PREDSJEDAVAJUĆI
DOMA NARODA**
Velimir Jukić